



Broj: 01/5-50-1-6-37/09
Sarajevo, 7.7.2009. godine

Z A P I S N I K
37. sjednice Komisije za saobraćaj i komunikacije,
održane 7.7.2009. godine

Sjednica je održana 7.7.2009., s početkom u 12,10 sati.

Sjednici su prisustvovali članovi Komisije: Branko Dokić, Šemsudin Mehmedović, Slavko Matić, Selim Bešlagić, Mehmed Suljkanović, Željko Kuzmanović, Husein Nanić i Sadik Bahtić.
Odsustvovao je Savo Erić.

Sjednici je prisustvovao Zoran Koprivica, član Zajedničke komisije za ljudska prava, prava djeteta, mlade, imigraciju, izbjeglice, azil i etiku. Iz Ministarstva komunikacija i prometa BiH prisustvovali su: Rudo Vidović, ministar, Mladen Simić, zamjenik ministra, Kojo Koprivica i Mirko Šekara, pomoćnici ministra, i Namik Kupusović, koordinator u jedinici za provođenje projekta Koridor Vc. Iz Regulatorne agencije za komunikacije BiH prisustvovali su: Mehmed Spaho, član Vijeća Agencije, i Dunja Mijatović, pomoćnik direktora za emitiranje. Sjednici je prisustvovala i Lana Zeherović, izvršna direktorica Udruženja 'Sigurnost djece', te sekretar Komisije za saobraćaj i komunikacije Ahmed Jalovičić.

Sjednicom je predsjedavao Branko Dokić, predsjedavajući Komisije.

Za sjednicu je predložen sljedeći

D N E V N I R E D

1. Usvajanje Zapisnika 36. sjednice Komisije;
2. Prijedlog zakona o izmjenama i dopunama Zakona o osnovama sigurnosti saobraćaja na putevima u BiH, predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku (druga komisijska faza);
3. Razmatranje situacije u vezi s imenovanjem generalnog direktora Regulatorne agencije za komunikacije BiH;
4. Razmatranje rang-liste kandidata za člana Upravnog odbora Javnog radiotelevizijskog servisa BiH iz srpskog naroda;
5. Izvještaj Ministarstva komunikacija i prometa BiH o aktivnostima na projektu „Autoput na Koridoru Vc“ za period januar – mart 2009. godine;
6. Prijedlog za imenovanje predstavnika Komisije za saobraćaj i komunikacije Predstavničkog doma u Vijeće za sigurnost saobraćaja na putevima BiH;
7. Tekuća pitanja.

Dnevni red usvojen je jednoglasno.

Ad. 1. Usvajanje Zapisnika 36. sjednice Komisije

Zapisnik 36. sjednice usvojen je jednoglasno, bez primjedbi.

Ad. 2. Prijedlog zakona o izmjenama i dopunama Zakona o osnovama sigurnosti saobraćaja na putevima u BiH, predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku (druga komisajska faza)

Predsjedavajući je otvorio raspravu u kojoj su učestvovali: članovi Komisije Selim Bešliagić i Branko Dokić, predstavnici Ministarstva komunikacija i prometa BiH Rudo Vidović i Mirko Šekara, te Lana Zeherović, predstavnik Udruženja 'Sigurnost djece'.

Nakon rasprave, Komisija je, sa sedam glasova „za“ i jednim „suzdržanim“, usvojila sljedeće amandmane:

AMANDMAN I.

U članu 2. vrše se sljedeće izmjene:

- u stavu (1) riječi: „za vozilo“ zamenjuju se riječima: „za sjedište“.

- u stavu (2) riječi: „za vozilo“ zamenjuju se riječima: „za sjedište“.

- stav (3) mijenja se i glasi:

„Vozač u putničkom automobilu smije prevoziti dijete starije od pet a mlađe od 12 godina na zadnjem sjedištu samo kada dijete sjedi na posebnom podmetaču prilagođenom njegovoj visini koji omogućava upotrebu sigurnosnog pojasa i kada je ispravno vezano sigurnosnim pojasom, ili je ispravno vezano u sigurnosnoj sjedalici koja je za sjedište pričvršćena pomoću sigurnosnog pojasa u tri tačke vezivanja ili posebnim kopčama u vozilu“.

- stav (4) briše se.

AMANDMAN II.

U članu 3. riječi: „14 godina“ zamjenjuju se riječima: „12 godina“.

Komisija je, sa sedam glasova „za“ i jednim „suzdržanim“ glasom, prihvatila tekst Prijedloga zakona sa usvojenim amandmanima, te predlaže Predstavničkom domu da usvoji Prijedlog zakona o izmjenama i dopunama Zakona o osnovama sigurnosti saobraćaja na putevima u BiH.

U smislu odredbi člana 113. Poslovnika Predstavničkog doma doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Branko Dokić.

Ad. 3. Razmatranje situacije u vezi s imenovanjem generalnog direktora Regulatorne agencije za komunikacije BiH

Predsjedavajući je otvorio raspravu u kojoj su učestvovali: članovi Komisije Šemsudin Mehmedović, Selim Bešliagić, Husein Nanić, Slavko Matić i Branko Dokić, predstavnici Ministarstva komunikacija i prometa BiH Rudo Vidović i Kojo Koprivica, te predstavnici Regulatorne agencije za komunikacije BiH Mehmed Spaho i Dunja Mijatović.

Nakon rasprave, Komisija je usvojila sljedeće zaključke:

1. Komisija konstatira da je ovakvo stanje u vezi s neimenovanjem generalnog direktora Regulatorne agencije za komunikacije BiH veoma štetno za rad i funkcioniranje Agencije i da mora biti prevaziđeno što prije.
(usvojen jednoglasno)
2. Pošto je već duže vremena u proceduri zahtjev Regulatorne agencije za komunikacije BiH za autentičnim tumačenjem člana 36. stav 2. i 3. i člana 40. stav 1. Zakona o komunikacijama („Sl. glasnik BiH“, 31/03 i 75/06), Komisija predlaže Kolegiju Predstavničkog doma da traži od

Ustavnopravne komisije da u roku od 30 dana dostavi nadležnoj komisiji izvještaj o navedenom zahtjevu.

(usvojen jednoglasno)

3. Komisija preporučuje Vijeću ministara BiH da, nakon što se Predstavnički dom izjasni o autentičnom tumačenju po zahtjevu Regulatorne agencije za komunikacije BiH, na dnevni red prve naredne sjednice Vijeću ministara BiH uvrsti ponovno razmatranje ispunjavanja zakonskih uslova predloženog kandidata, s ciljem okončanja zakonom propisane procedure potvrde imenovanja generalnog direktora Agencije.

(usvojen sa šest glasova „za“, jedan „protiv“ i jedan „suzdržan“)

Ad. 4. Razmatranje rang-liste kandidata za člana Upravnog odbora Javnog radiotelevizijskog servisa BiH iz srpskog naroda

Predsjedavajući je otvorio raspravu u kojoj su učestvovali: članovi Komisije Selim Bešlaguč i Branko Dokić, predstavnici Ministarstva komunikacija i prometa BiH Rudo Vidović i Kojo Koprivica, te predstavnici Regulatorne agencije za komunikacije BiH Mehmed Spaho i Dunja Mijatović.

Nakon rasprave, Komisija je jednoglasno prihvatila rang-listu kandidata za člana Upravnog odbora Javnog radiotelevizijskog servisa BiH iz srpskog naroda, te predlaže Predstavničkom domu da, u skladu s članom 26. stav 1. Zakona o Javnom radiotelevizijskom servisu BiH, imenuje člana Upravnog odbora s rang-liste kandidata koji su ušli u uži izbor.

U smislu odredbi člana 39. i 113. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Branko Dokić.

Ad. 5. Izvještaj Ministarstva komunikacija i prometa BiH o aktivnostima na projektu „Autoput na Koridoru Vc“ za period januar – mart 2009. godine

Predsjedavajući je otvorio raspravu u kojoj su učestvovali: članovi Komisije Selim Bešlagić, Šemsudin Mehmedović, Slavko Matić i Branko Dokić, te Namik Kupusović, koordinator u jedinici za provođenja projekta Koridor Vc.

Nakon rasprave, Komisija je primila k znanju Izvještaj Ministarstva komunikacija i prometa BiH o aktivnostima na projektu „Autoput na Koridoru Vc“ za period januar – mart 2009. godine.

Ad. 6. Prijedlog za imenovanje predstavnika Komisije za saobraćaj i komunikacije Predstavničkog doma u Vijeće za sigurnost saobraćaja na putevima BiH

Komisija je jednoglasno odlučila da, u skladu s članom 2. stav (2) tačka a) Pravilnika o Vijeću za sigurnost saobraćaja na putevima BiH, predloži Branka Dokića za člana Vijeća za sigurnost saobraćaja na putevima BiH.

Ad. 7. Tekuća pitanja

Kako nije bilo pitanja, predsjedavajući je zaključio sjednicu u 14,35 sati.

SEKRETAR KOMISIJE
Ahmed Jalovičić

PREDSJEDAVAJUĆI KOMISIJE
dr. Branko Dokić

